

## Cyngor Sir Caerfyrddin

Deddf Ymddygiad Gwrthgymdeithasol, Troseddu a Phlisma 2014

### **Gorchymyn Cyngor Sir Caerfyrddin (Yfed Alcohol yng nghanol Tref Llanelli) 2020**

Mae Cyngor Sir Caerfyrddin ("y Cyngor") trwy hyn yn cyflwyno'r Gorchymyn Diogelu Mannau Agored Cyhoeddus canlynol o dan adran 59 o Ddeddf Ymddygiad Gwrthgymdeithasol, Troseddu a Phlisma 2014:

Cyfeirir at y Gorchymyn hwn fel 'Gorchymyn (Yfed Alcohol yng nghanol Tref Llanelli) Cyngor Sir Caerfyrddin 2020'.

Daw'r Gorchymyn hwn i rym ar 1<sup>af</sup> o Hydref 2020 a bydd yn parhau mewn grym am gyfnod o dair blynedd.

#### **Rhagarweiniad**

- (a) Gall y defnydd gwrthgymdeithasol o alcohol yng nghanol trefi a mannau cyhoeddus eraill gael effaith andwyol ar ansawdd bywyd pobl yn yr ardal. Gall fod yn niweidiol i olwg yr ardal leol a gall arwain at ystod eang o droseddau, niwsans ac anhrefn sy'n gysylltiedig ag alcohol ar draul y gymuned leol.
- (b) Mae'r Cyngor yn fodlon bod y defnydd gwrthgymdeithasol o alcohol yng nghanol tref Llanelli wedi cael, ac yn debygol o barhau i gael, effaith andwyol ar ansawdd bywyd pobl yn yr ardal leol.
- (c) Mae'r Cyngor hefyd yn fodlon bod effaith, neu effaith debygol, y gweithgaredd:-
  - (i) Yn, neu'n debygol o fod, yn barhaus, neu o natur barhaus;
  - (ii) Yn, neu'n debygol o wneud y gweithgareddau'n afresymol; ac
  - (iii) yn cyfiawnhau'r cyfyngiadau a osodir gan y Gorchymyn hwn.
- (d) Mae'r Cyngor o'r farn bod y gwaharddiadau a'r gofynion a osodir gan y Gorchymyn hwn yn rhesymol.
- (e) Nod y Gorchymyn hwn yw ceisio hwyluso defnydd diogel o fannau cyhoeddus a'r mwynhad ohonynt yng nghanol y dref, drwy roi pwerau ychwanegol i gwnstabiliaid yr heddlu a swyddogion awdurdodedig yr awdurdod lleol y gellir eu defnyddio i atal neu leihau'r risg o yfed gwrthgymdeithasol a throseddau, niwsans ac anhrefn sy'n gysylltiedig ag alcohol.
- (f) Wrth wneud y Gorchymyn hwn mae'r Cyngor wedi rhoi sylw i hawliau rhyddid pobl i fynegi barn a rhyddid i ymgynnull fel y nodir yn erthyglau 10 ac 11 o'r Confensiwn Ewropeaidd ar Hawliau Dynol.

## **Gwahardd Yfed Alcohol**

1. Mae'r Gorchymyn hwn yn gwahardd yfed alcohol ar y tir y mae'n berthnasol iddo.

## **Troseddau**

2. Mae person yn euog o drosedd os yw, ar unrhyw adeg, ar dir y mae'r Gorchymyn hwn yn berthnasol iddo ac yn methu â chydymffurfio â gofyniad gan gwnstabl yr heddlu neu berson awdurdodedig sy'n gofyn iddo:
  - (a) beidio ag yfed alcohol, nac unrhyw beth y mae cwnstabl yr heddlu neu berson awdurdodedig yn credu'n rhesymol ei fod yn alcohol; neu
  - (b) ildio unrhyw beth yn ei feddiant sydd yn, neu'n hyn y mae cwnstabl yr heddlu neu berson awdurdodedig yn credu'n rhesymol ei fod yn alcohol neu'n gynhwysydd ar gyfer alcohol
3. Rhaid i gwnstabl heddlu neu berson awdurdodedig sy'n gosod gofyniad ar berson o dan y Gorchymyn hwn ddweud wrth y person bod methu, â chydymffurfio â'r gofyniad, heb esgus rhesymol, yn drosedd.
4. Nid yw gofyniad a osodir gan berson awdurdodedig yn ddilys os gofynnir i'r person awdurdodedig ddangos tystiolaeth o'i awdurdodiad a'i fod yn methu â gwneud hynny.
5. Ni fydd person yn cyflawni trosedd o dan y Gorchymyn hwn os gall ddangos bod ganddo esgus rhesymol am fethu â chydymffurfio â'r gofyniad.

## **Tir yr effeithir arno gan y Gorchymyn hwn**

6. Yn amodol ar yr eithriadau a nodir isod, mae'r Gorchymyn hwn yn gymwys i'r holl fannau cyhoeddus yng nghanol tref Llanelli a ddangosir â llinell ddu drwchus ar y cynllun yn yr Atodlen i'r Gorchymyn hwn.  
At y dibenion hyn, ystyr "man cyhoeddus" yw unrhyw fan y mae gan y cyhoedd, neu unrhyw garfan o'r cyhoedd, fynediad iddo, drwy dâl neu fel arall, fel hawl neu yn rhinwedd caniatâd datganedig neu ymhlyg.

7. Nid yw'r Gorchymyn hwn yn berthnasol i'r canlynol:-
- (a) safle (ac eithrio safleoedd a weithredir gan y Cyngor) a awdurdodir gan drwydded safle i'w defnyddio i gyflenwi alcohol;
  - (b) safle a awdurdodwyd gan dystysgrif safle clwb i'w defnyddio gan y clwb ar gyfer cyflenwi alcohol;
  - (c) man o fewn cwrtil y safle a nodir ym mharagraff (a) neu (b) uchod;
  - (d) safle sydd yn rhinwedd Rhan 5 o Ddeddf Trwyddedu 2003 a allai gael ddefnyddio ar yr adeg berthnasol i gyflenwi alcohol neu, yn rhinwedd y Rhan honno, fod wedi cael ei ddefnyddio felly o fewn 30 munud cyn yr amser hwnnw;
  - (e) man lle mae cyfleusterau neu weithgareddau sy'n ymwneud â gwerthu neu yfed alcohol ar yr adeg berthnasol a ganiateir yn rhinwedd caniatâd a roddwyd o dan adran 115E o Ddeddf Priffyrdd 1980.
8. Nid yw'r Gorchymyn hwn yn berthnasol i safleoedd trwyddedig a weithredir gan y Cyngor:-
- (a) Pan fydd y safle'n cael ei ddefnyddio i gyflenwi alcohol; neu
  - (b) O fewn 30 munud ar ddiwedd y cyfnod pan ddefnyddiwyd y safle ar gyfer cyflenwi alcohol.
9. At ddibenion y Gorchymyn hwn, mae safle yn golygu “safle trwyddedig a weithredir gan y Cyngor” os oes ganddo drwydded safle sydd wedi'i hawdurdodi i'w defnyddio ar gyfer cyflenwi alcohol a:-
- (a) Bod y drwydded yn eiddo i'r Cyngor; neu
  - (b) Bod y drwydded yn eiddo i berson arall, ond mae'r safle yn cael ei meddiannu gan y Cyngor, neu'n cael ei reoli gan y Cyngor neu ar ei ran.

## **Dehongliad**

10. At ddibenion y Gorchymyn hwn:

ystyr “alcohol” yw'r un a nodir o dan adran 191 o Ddeddf Trwyddedu 2003

ystyr “person awdurdodedig” yw person sydd wedi ei awdurdodi gan y Cyngor at ddibenion Adran 63 o Ddeddf Ymddygiad Gwrthgymdeithasol, Troseddu a Phlisma 2014 neu a awdurdodwyd yn rhinwedd adran 69 (1) o Ddeddf 2014.

ystyr “trwydded safle clwb” yw'r un a nodir o dan adran 60 o Ddeddf Trwyddedu 2003.

ystyr "cwnstabl heddlu" yw aelod neu gwnstabl arbennig Heddlu Dyfed Powys sy'n cael ei ardystio yn gwnstabl o dan adran 29 o Ddeddf yr Heddlu 1996, neu aelod o staff sifil neu wirfoddolwr a ddynodwyd gan Heddlu Dyfed Powys gyda'r pŵer i orfodi'r Gorchymyn hwn.

ystyr “trwydded safle” yw'r un a nodir o dan adran 11 o Ddeddf Trwyddedu 2003

ystyr “cyflenwi alcohol” yw'r un a nodir o dan adran 14 o Ddeddf Trwyddedu 2003

## **Cosbau**

11. Gall y sawl sy'n cyflawni trosedd o dan isadran (2), os ceir collfarn ddiannod yn ei erbyn, orfod talu dirwy nad yw'n fwy na lefel 3 ar y raddfa safonol.

12. Gall Hysbysiad Cosb Benodedig gael ei roi i berson sy'n torri'r Gorchymyn hwn, gan gynnig cyfle iddynt fodloni unrhyw atebolrwydd i'r gollfarn am y drosedd drwy dalu cosb benodedig.

Dyddiedig y 28<sup>ain</sup> diwrnod o fis Medi 2020

Rhodddwyd Sêl Gyffredin  
Cyngor Sir Caerfyrddin  
a'i gosod ym mhresenoldeb:

---

Pennaeth Gweinyddiaeth a'r Gyfraith